

## POD STARI DANI

Pod stari dani  
doma se j vrnul  
kot rukav naopak  
život zvrnul.

Ovdi mu j Luca  
pol vika njilela  
njega su mučile  
tuje ženi  
i teške dela  
i prokljeti bari  
za kih više i ne mari.

Dica su mu već v letih  
rastu i vnuki  
kućina j stara  
pali su žlipci i štuki.

Čera se j doma vrnul  
(neboški)  
senilan i ćorav  
s nikuliko centih  
va roški  
prnesal vriću košćin starih  
va merikanskoj robi  
i jedan črni trunk  
pun pasanoga života  
ki po patušini diši  
(neka mu dobri Bog  
grihi usliši,  
veli teta Luca...)

Pak neboga va črnom rupci  
v tarvez slini i šmrca.

i...koda ju odnikud  
šundrana mladost zove.

Još par šeteman,  
skupa ote proslavit zlatni pir  
i poč pomaljahno

... va simitir.